

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 391823 21 St
Tuzla, 23.07.2021. godine

Općinski sud u Tuzli, sudija Delić Ilvana, kao stečajni sudija u postupku prethodnog ispitivanja prijedloga za pokretanje stečajnog postupka, nad dužnikom **“KONKRIT“ d.o.o. za proizvodnju, usluge, promet i građenje, ul. Gornja Orahovica bb, Gračanica**, dana 23.07.2021. godine, donio je sljedeće,

R J E Š E N J E

POZIVAJU SE: stečajni dužnik kao predlagač, povjerioci i sva zainteresovana lica da u roku od 30 (trideset) dana, od dana objave ovog rješenja u „Službenim novinama F BiH“, na žiro-račun Suda, broj: 132-100-03091233-91 NLB banka dd Sarajevo, predujme iznos od **2.000,00 KM (dvijehiljadekonvertibilnihmaraka)**, na ime troškova stečajnog postupka.

Ukoliko nitko od pozvanih iz stava 1. ovog rješenja ne uplati navedeni iznos predujma u ostavljenom roku, sud će o prijedlogu za otvaranje stečajnog postupka odlučiti u skladu sa odredbama Zakona o stečaju F BiH.

Ovo rješenje bit će objavljeno u “Službenim novinama F BiH”, Oglasnoj ploči ovog suda i web stranici suda- elektronskoj tabli suda.

O b r a z l o ž e n j e

Nad društvom **“KONKRIT“ d.o.o. za proizvodnju, usluge, promet i građenje, ul. Gornja Orahovica bb., Gračanica**, obustavljen je likvidacioni postupak dana 22.04.2021. godine koje rješenje je postalo pravosnažno 18.05.2021. godine. Likvidacioni upravnik je temeljem člana 103. stav 1. Zakona o stečaju F BiH podnio prijedlog za direktno otvaranje stečajnog postupka.

Dana 22.04.2021. godine obustavljen je likvidacioni postupak nad privrednim društvom Konkrit doo Gračanica, a likvidator je dana 04.05.2021. godine podnio prijedlog za otvaranje stečajnog postupka. Razmatrajući navedeni prijedlog a imajući u vidu da dužnik nema novčanih sredstava, pokretne ili nepokretne imovine, sud je utvrdio da imovina stečajnog dužnika ne pokriva troškove postupka a prijedlog je dopušten i osnovan to u skladu sa odredbom člana 102. točka 7. Zakona o stečaju F BiH (Službene novine F BiH 53/21) donosi rješenje kao u izreci.

Prilikom određivanja visine novčanih sredstava koju je neophodno predujmiti na ime otvaranja stečajnog postupka, sud se rukovodio činjenicom da se iz tih sredstava finansiraju svi troškovi koji mogu nastati nakon otvaranja stečajnog postupka do

održavanja ispitnog i izvještajnog ročišta te eventualne prodaje imovine koja bi činila stečajnu masu.

Obzirom da prema navodima likvidacionog upravnika u skladu sa provedenim postupkom likvidacije je utvrđeno da dužnik nema sredstava za finansiranje stečajnog postupka, te je sud osim stečajnog dužnika, pozvao predlagачe, povjerioce i sva zainteresovana lica da izvrše uplatu predujma u visini od 2.000,00 KM radi finansiranja troškova stečajnog postupka temeljem odredbe čl. 102. točka 7. Zakona o stečaju F BiH.

STEČAJNI SUDIJA
Ilvana Delić

POUKA O PRAVNOM LIJEKU:

Protiv ovog rješenja nije dozvoljena žalba.